

AKASHVANI AIZAWL

REGIONAL NEWS UNIT



MNF

Chief Minister Pu Lalduhoman debate puia a sawmna MNF thalai te chuan an pawm a. MNF thalai president Pu Gogo Lal Remtluanga'n Assembly Session neih zawh taka Chief Minister Pu Lalduhoma'n MNF debate a chona chu an pawm tih sawiin, a hun atan October ni 2, 2026 ni se a ti a. Live telecast ngeia tihchhuah ni bawk se a ti a ni.



MZP

MZP President Dr C.Lalremruata chuan MZP a in hmang te reng reng chuan headquarters atanga Branch thleng pawhin buaipui tur thil an lak reng reng-ah mahni mimal hlawkna atan vawi khatmah hma anla la lo tih a sawi.

He thu hi vawiin-a Federal Council Vawi 61 na an hmanna-ah sawiin, MZP President chuan Mizoram tan te, zirlai tan MZP chuan hma a la thin a, chutiang ang a nih laia he pawl hi Mizorama awm ve tlak lova chhuah thin tute chu inngaihtuah thar se a duh tih a sawi a ni. Ral atanga MZP sawisel chu an demawm tiin, MZP kal dan hrechiang duh chuan an pisa-ah rawn zawt chiang se a ti a ni.



RAMTHAR NI

Vawiin hi Presbyterian kohhran ni pawimawh 'Ramthar Ni' a ni a. Rev. David Evan Jones (Zosaphluia)Mizorama rawngbawl tura a lo thlen ni a ni.

Kum 1972-a Mizoram Synod Inkhawmpui chuan Synod Ramthar Board-in, August ni 31 , Pu Zosaphluia Mizorama a lo thlen ni hi Synod Ramthar Ni atan hman ni se tia a rawtna chu pawmin, kum 1973 atang khan August ni 31 chu Ramthar Ni atan hman tan a lo ni ta a ni.

Mizoram Presbyterian kohhran chuan kumin Ramthar Ni pual hian tum khat inkhawm atan programme a siam a, 'Hawh u Lal chhungte i va hrilh ang u' tih chu thupui atan hman a ni.

(CORR Nuteii)



NATIONAL SPORTS DAY

National Sports Day pualin inrinni kalta khan DC Office, District Nasha Mukht Bharat Abhiyaan (NMBA) Committee leh Mara Students Organisation, General Headquarters tangho a buatsaihin NMBA hmalakna hnuaia Siaha ah Marathon race huaihawt a ni.

Sub-Deputy Commissioner Pu Z. Lalnghakltuanga chuan marathon race chu Forest Check Gate bul Meisavaih ah a vailiam a, a kharna hun Siaha Bazar Traffic point ah SDC Dr. Lalnunfela Chhangte leh MSO President Pu Judson KT Zephatha ten hman puiin he hunah hian Ruihlo lakah fihlim a pawimawhzia sawi niin taksa insawizawi that a pawimawhzia tarlan a ni bawk.

Marathon hi Forest Check Gate, Meisatla atanga tlan tan niin, AOC College Vaih lama tlan phei a ni a, Siaha Bazar traffic point ah a tawpna siam a ni.

(DIPR)



FINANCE MINISTER :

Union Finance Minister Nirmala Sitharaman chuan economy-a India ram thanna chu tun financial year chhungin za a 7% a a kai chhoh a beisei thu a sawi.

United States tlawh a cham mek Union Finance Minister chuan he thu hi Chicago-ah sawiin, India ram chuan Asia khawthlang lam ram leh Strait of Hormuz-a buaina avangin tui alh thei chawh luh kawngah harsatna a tawh thu a sawi a, hetiang a nih avang hian lo neitute hman thin fertilizer siam chhuah kawngah pawh India chuan harsatna a tawh thu leh loneitute phurrit chhawk zangkhaih atan fertilizer pawh subsidy-a loneitute pek an nih thu a sawi bawk.

(NewsOnAir)



NEPAL DEATH TOLL RISES :

Khuarel chhiatna avanga Nepal-a nunna chan zat chuan pun lam pan zelin mitthi 794 leh chin hriat lova bo mi 2500 chuang an awm ang a chhinchhiah a ni.

Hun hmasa lama lo puan tawh angin, Nepal-a sabereka khuangkaih hian chhiatna nasa tak a thlen a,Nepal sorkarin a tui chakna hmanga kawlphehtha a siamna hmun Trishuli 3A-ah pawh chhanchhuah hna

hi India leh China-ten thawk mekin Tibet lamah pawh he sabereka khuangkaih avang hian mi 16 in nunna an chan bakah mi 546 te awmna chin hriat a la nilo.

(NewsOnAir)

